

Գ. ՍՐՎԱՆՁՏՅԱՆՑԻ ԼՈՒՍԱՎՈՐԱԿԱՆ ԳՈՐԾՈՒՆԵՈՒԹՅՈՒՆԸ

Է. Ա. ԿՈՍՏԱՆԴՅԱՆ

Դարեգին Սրվանձտյանցն իր գործունեությունն սկսեց 1850-ական թթ. վերջին և 60-ական թթ. սկզբին: Մի ժամանակաշրջան էր դա, երբ Հայաստանից դուրս Պոլսի և Իզմիրի գաղթօջախներում իբրև օաղիսներ գործում էին Ուսկյուտարի, Մեսրոպյան վարժարանները, սակայն բուն Արևմտյան Հայաստանը զուրկ էր դպրոցներից: Խորապես գիտակցելով կանոնավոր դպրոցի անհրաժեշտությունը, Մկրտիչ Նրիմյանը 1857 թ. Պոլսից փոխադրվում է Արևմտյան Հայաստանի ամենից հայաշատ կենտրոններից մեկը՝ Վասպուրական և Վարագում հիմնադրում «Ժառանգավորաց» դպրոցը: Գործի են դրվում բոլոր միջոցները ժողովրդի մեջ լուսավորություն տարածելու համար: Այդ միջոցներից ամենից հզորը երկուսն էին՝ դպրոց և տպարան: Վարագա վանքից Հայաստանով մեկ տարածվում է «Արծվի Վասպուրականի» հանդեսը: Իսկ «Ժառանգավորաց» դպրոցում հավաքվում են Արևմտյան Հայաստանի տարբեր ծայրերից եկած ուսումնատենչ պատանիներ: Գիշերօթիկ դպրոցը իր բնույթով նորություն էր այդ միջավայրում: Դասավանդվող առարկաներից էին երկրադործությունը, թվաբանությունը, ազգային պատմությունը: Գիշերօթիկի սաները դաստիարակվում են իրենց ուսուցչի՝ Նրիմյան Հայրիկի գաղափարական մթնոլորտում, «Արծվի» հզոր շնչի տակ իրենք էլ դառնում մի-մի «արծվիկներ»: «Ժառանգավորացի» առաջին շրջանավարտները ցրվեցին ողջ Հայաստանի գավառներով մեկ, եղան ուսուցիչ, բանաստեղծ, վարդապետ, հասարակական գործիչ, լրագրող, ժողովրդի ցավերին ցավակից, նրա վերքերը դարմանող: Այս գործիչների մեջ իր ուրույն տեղն ունի Գարեգին Սրվանձտյանցը՝ հայ բանահյուսության մեծ երախտավորը: Սրվանձտյանցի լուսավորական գործունեությունը կարելի է բաժանել երկու բնագավառների՝ հրապարակախոսական և մանկավարժական: Եվ պետք է նշել, որ Սրվանձտյանցյրագրողը չի նսեմանում Սրվանձտյանց-մանկավարժի առջև: Գիտակցելով տպագիր խոսքի՝ ամենամսյա հանդեսի մեծ նշանակությունը ժողովրդի լուսավորության գործում, նա եռանդուն մասնակցություն է ցույց տալիս «Արծվի Վասպուրականի» հանդեսի աշխատանքներին և դառնում է նրա փոխխմբագիրը: Սրվանձտյանցը կոչ էր անում հայ երիտասարդությանը ականջը խուլ չպահել ժամանակի արթնացնող զանգի առաջ, բարձրանալ գիտության աստիճաններով, «զի գիտություն զորություն է»: Սակայն հանդեսից ավելի կարևոր և ժողովրդին ավելի մոտ կարող է լինել լրագիրը: Եվ Սրվանձտյանցը 1863 թ. Տարոնում հրատարակում է «Արծվիկ Տարոնո» երկշաբաթաթերթը: Ամեն ինչ արվում էր ժողովրդի համար. «Արծվիկը» էժան էր, դյուրամատչելի հայ շինականին, այն շարադրված էր շինականին հասկանալի պարզ ժողովրդական լեզվով. միաժամանակ փոքր էր նրա ծավալը, որպեսզի նոր կարգալ սովորողները չհոգնեն կարդալուց: Խմբագիրը խոստանում էր նյութական փոքր-ինչ լավ վիճակի դեպքում թերթը հրատարակել ամիսը 3 անգամ, տասը օրը մեկ

(որ երբեք չիրականացավ): Ուսումը չպետք է լինի իշխող դասի մենաշնորհը, այն օդի և ջրի պես, հանապազօրյա հացի հետ միասին անհրաժեշտ է գյուղացուն, ժողովրդին: «Գեղացի հայ. ինչո՞ւ ետս կքաշվիս կարդալե. մեր նախնի սուրբերը և իմաստունները շատը քո դեղեն ելած են. հորենացին, Մեսրոպը և այլ թարգմանիչներ, որոնք այսօր կպաշտվին իրենց սրբությամբ և իմաստությամբ, մեկ մեկ գեղացու տղա են եղեր, բայց ազգի մը լուսավորիչ և լեռանորոգիչ»¹, — գրում էր Սրվանձտյանցը: Նա հորդորում է գյուղացիներին իր քարոզներով և հողվածներով, ցույց տալիս ուսման օգուտը մարդկանց ամենօրյա կյանքում: Ուսումնականը կարող է ավելի լավ մշակել հողը, շատ բերք ստանալ, պահպանել իր տնտեսության արդյունքները բարբարոսից, տերության անարդար հարկահավաքից, իսկ չկարդացող մարդը թեկուզ «շատ արտունենա և շատ ալ ցանե, բայց անոթի կմնա»: Դրա համար էլ խմբավիրը բռնությունից և խեղճությունից ազատվելու դարմանը համարում է ուսումը: Խորհրդածելով «լուսավոր գաղափարի», «հոգվոց և մտաց դաստիարակության» և «անձնական կամ մարմնական» պիտույքների մասին, Սրվանձտյանցը առաջնությունը տալիս է մարմնական պիտույքներին՝ «հաց պետք է և զգեստ»: Եվ միայն դրանից հետո նա ընդգծում է լուսավորության մեծ նշանակությունը: Ժողովրդի և մասնավորապես գյուղացու հետաքրքրությունը ուսման նկատմամբ հրահրելու համար Սրվանձտյանցը ամենից առաջ նշում է նրա գործնական նշանակությունը: Խմբագիրը իր թերթի նպատակն էլ համարում էր ժողովրդի լայն խավերի մեջ ուսումը տարածելու, ժողովրդին լուսավորելու գործը: «Քանզի դրա («Արծվիկի» — է. Կ.) նպատակն է գյուղացվույն քան քաղաքացվույն խոսք հասկցնել, սիրտերնին կրթել, միտքերնին զարթուցանել ազգասիրական և քաղաքական սկզբունքներ լսելու, կարդալու և ուսանելու»²: Ուրեմն ուսումը անհրաժեշտ է ժողովրդին ոչ միայն տնտեսական, այլ նաև քաղաքական նկատառումներով: Նա բացում է ժողովրդի աչքերը, դրդում նրան ունենալ իր պահանջները, ոտքի է հանում նրան ազդակից և այլազգի տիրողների դեմ. «Զուղենք այն ուսը, դու կառավարե երբեմն ալ, եթե կարող ես. չընդունենք այն իշխանը, մենք նորա տեղ նստինք ատյան դատաստան, միայն թե բավական լինինք տալ հակառակորդաց պատասխանը և պահպանել զազգ խաղաղ և առաջադեմ»³: Ըստ Սրվանձտյանցի «կրթված և ուսյալ» ժողովուրդը չի հանդուրժի բռնակալություն. «դպրոցից ելած ժողովուրդը հաշատուրը կաթողիկոս չընդուներ», — ասում է նա, ակնարկելով Աղթամարա հաշատուր կաթողիկոսի դործած հանցանքը կաթողիկոսական դահին հասնելու համար:

Ժողովրդին հասկանալի, պարզ ու մատչելի լեզվով Սրվանձտյանցը զրուցում է գյուղացիների հետ, բացում նրանց աչքերը, դրդում նրանց ուսումնասեր և ուսումնական դառնալ: Ցավոք, «Արծվիկը» երկար կյանք չունեցավ: Տարոնում բուն դրած ցեցերի և հոգևորականների քաղաքական մատնությամբ 1864 թ. թերթը փակվեց: Կարճ ժամանակ հետո նորից սկսեց հրատարակվել, բայց 1865 թ. ընդմիջտ դադարեց: Հետագա իր ողջ գործունեության ընթացքում Գարեգին Սրվանձտյանցը շատ սուր կերպով զգացել է պարբերականի կարիքը:

¹ «Արծվիկ Տարոն», 1863, № 12:

² Նույն տեղում, № 1:

³ Նույն տեղում, № 3:

հրիմյանի հետ միասին նրանք երկար մտորել են, ուղիներ որոնել այլ լրագիր հրատարակելու համար: Բայց սուլթանական բռնակալական կարգերի անընդհատ խստացումները, երկրում տարածված «լրագրաց քուերան» (հրիմյանի արտահայտությունն է) թույլ չտվին նրանց իրականացնել իրենց ձգտումը: Սակայն սեփական լրագրի բացակայությունը Սրվանձտյանցին չի դրկում գործելու հնարավորությունից: Նրա առաջ հյուրընկալորեն բացում են իրենց դռները Սվաճյանի «Մեղուն» (որը միշտ արտատպում էր «Արծվիկ Տարոնոյում» լույս աշխարհ եկած Սրվանձտյանցի հոդվածները), Կ. Փանոսյանի «Մանկունի էֆեիարը», Մամուրյանի «Արևելյան մամուլը», «Երկրագունտը», «Ժամանակը», «Մեղու Հայաստանին», «Փորձը» և այլ պարբերականներ:

Լրագրական-հրապարակախոսական աշխատանքներին զուգընթաց, դրանցից էլ առաջ, «Ժառանգավորացն» ավարտելուց անմիջապես հետո, Սրվանձտյանցը մնում է նույն դպրոցում իբրև ուսուցիչ: Հետագայում՝ 1862 թ., հրե հրիմյանը նշանակվում է Տարոնի առաջնորդ և Ս. Կարապետ վանքում հիմնում մի այլ «Ժառանգավորաց», այդտեղ նախկին աշակերտը հանդես է գալիս իբրև տնօրեն ուսուցիչ: Սրվանձտյանցի լուսավորական գործունեության ամենափայլուն մասը նրա՝ արևմտահայ դպրոցի զարգացման ուղղությամբ կատարած աշխատանքն է: Դպրոցը երիտասարդ սերնդի միտքն ու հոգին վերափոխողն է, այդ պատճառով էլ «մեր ազգին համար այսօր և ամեն ժամանակ առաջին գործը դպրոց պետք է ունենալ. դպրոցները արդյունավորել գիտնալ»⁴:

Մեծ էր դպրոցի դերն ու նշանակությունը առանձնապես այն պատճառով, որ պետականությունից զուրկ հայ ժողովրդի միասնությունը հենված էր հոգեվոր և բարոյական գործոնների վրա: Ըստ Սրվանձտյանցի, դպրոցական խնդիրը հարցերի հարցն էր և վեր ամեն ինչից. «Ո՛չ բարբարոս քրդերու ելուզակությունը, ո՛չ վանքերու կամ եկեղեցյաց կողոպտվիլը, ո՛չ այս և այն անհատ հայու սպանվիլը... ո՛չ Պոլսո թափուր մնացած պատրիարքարանը այնչափ իմ կարեկցությունս չեն կրնար գրավել, ասոնք զրեթե աննշան դեպքեր են դպրոցական խնդրույն առջև»⁵: Կյանքի առաջընթացը, գիտության զարգացումը, արվեստների ծաղկումը, բոլոր «դպրոցներու ծնունդ և արգասիք են»: Եվ քանի որ մանավանդ մեր ազգի համար դպրոցն ունի այդքան մեծ նշանակություն, ուրեմն ազգի ողջ ուշադրությունը, բոլոր հանգանակությունները պետք է կատարվեն հօգուտ դպրոցի: Արդեն վարդապետ օծված Սրվանձտյանցը իր կարծիքների մեջ հասնում է այն աստիճանին, որ ժողովրդին քարոզում է վանքերի նըվիրատվությունների փոխարեն ամեն ինչ տալ դպրոցներին. իսկ դպրոցները, ըստ նրա, պետք է լինեն ոչ թե վանքերի մեջ, կտրված ժողովրդից, այլ պետք է հիմնադրվեն ժողովրդի մեջ, ժողովրդի համար: Սակայն Սրվանձտյանցը չի սահմանափակվել միայն քարոզներով: Նա ամենօրյա գործոն մասնակցություն է ցույց տվել Արևմտյան Հայաստանի հայաշատ կենտրոններում՝ Տարոնում և Վասպուրականում, շրջակա գյուղերում դպրոցներ հիմնադրելուն և ուսուցչական կազմով ապահովելուն: Առանձնապես մեծ աշխատանք է կատարում նա 1860-ական թթ. վերջին և 1870-ական թթ. սկզբներին Տարոնում: Նրա անմիջական օգնությամբ դպրոցներ են հիմնադրվում Մշո դաշտի Մկրա-

⁴ ՀՍՍՀ կուլտուրայի մինիստրության գրականության և արվեստի թանգարան, Սրվանձտյանցի ֆ., ր. II, գ. 65:

⁵ Նույն տեղում:

գոմ, Արտոնք, Վարդենիս, Դրվընիկ, Աւլրան, Գոմս, Առնշվանք, Խելպեան, Քերդակ, Ներքին Պուլանըխի Լիզ, Ատկան, Խոշկելտի, Բոստաբանդ, Վերին Պուլանըխի Համդաշեխ, Կուփ, Բաբաուլու, Մաճիթլու, Շիրվանշեխ, Միրիսլար, Մանազկերտի Վարդոփ գյուղերում և այդ տերիտորիայում բնկած Ս. Հովհան-նու, Առաբելոց, Ս. Դանիելի, Ս. Կարապետի վանքերում:

«Ամեն գեղերն ալ մի առ մի շրջեցա և լավ մ'ալ տքնեցա և շարշարվեցա: ... Առջի օրը Մեղտուա դպրոցին աչցելության գնացի, գիրք տարա և անցա Գոմսը. նույնպես անոնց ալ վարժարանին գրքեր տվի: Աւլրանա վարժարանը սկսել տվինք, Ճապաղջուրա Մատրակ գեղը վարժապետ մը ղրկեցինք»⁶— գրում է Սրվանձտյանցը Խրիմյանին, շարունակելով մանրամասն թվարկել, թե որ գյուղում ինչ է արել:

Ժամանակակիցների հիշողության մեջ խոր հետքեր է թողել այն աշխատանքը, որ կատարել է Սրվանձտյանցը Կարինում: 1867—1869 թթ. բնկած ժամանակամիջոցում, որոշ բնդհատումներով, նա եղել է Կարինի վարժարանի տեսուչը: Նա շատ փոփոխություններ է մտցրել դպրոցական ծրագրերի և դասավանդվող առարկաների մեջ: Դպրոցում դասավանդվել են ֆիզիկա, քիմիա, մաթեմատիկա, նաև հողագործություն, լեզուներ, աղգային պատմություն, կրոն: Ամենից նշանակալիցը եղել է մեծահասակների համար բացված կիրականօրյա դպրոցը: Տարեց մարդիկ ոգևորությամբ ամեն կիրակի հաճախում էին դպրոց, ուր Սրվանձտյանցի աղգային պատմության դասերը վեր էին ածվում հայրենասիրական ոգեշունչ ներբողների: Կարճ ժամանակամիջոցում Կարինում շատ բան է արվում ժողովրդի աղգային ինքնագիտակցության արթնացման համար: Լուսավորության գործը Սրվանձտյանցի մոտ ձեռք է բերում քաղաքական հրնշեղություն և նպատակաւալացություն: Կարինի նրա աշակերտներ Հակոբ և Կարապետ Նշկյանները, Պալլարյանները հետագայում դառնում են աղգային-աղատագրական շարժման առաջամարտիկներ և հաճախ են ակնածանքով արտահայտվում Սրվանձտյանցի մասին: Կարինցիներին աչքում Սրվանձտյանցը այնպիսի հեղինակություն է ձեռք բերում, որ հետագայում, ուսմ-թուրքական պատերազմից հետո, Կարինի հայություն մեծ տեղաշարժը՝ զաղթականությունը կանխելու նպատակով ն. Վարժապետյանը այնտեղ է ուղարկում Սրվանձտյանցին: Այդ ժամանակաշրջանին է վերաբերում Սրվանձտյանցի «Ճառ աղգային լուսավորության և դաստիարակության վրա»-ն⁷, որ նա կարդացել է Կարինում ուսումնական տարվա փակվելու կապակցությամբ: «Ճառի» մեջ արտահայտված են նրա հայացքները լուսավորության, դպրոցի, ծնողների ունեցած դաստիարակիչ դերի մասին: Նա շեշտում է, որ դաստիարակության մեջ կարևոր տեղ է գրավում երեխաներին ծնողների և ուսուցիչների անձնական օրինակով կրթելու հանգամանքը: «Մնողը են ավելի տղայոց համար վարժապետ, վասնզի ծնողաց հանցանք և վարմանց օրինակ շատ ղգալի դաս է տղայոց...: Ես դաստիարակություն բսելով կհասկնամ տղայոց բարոյական կրթությունը, զոր ծնողը և վարժապետները պետք է շատ փափուկ խնամքով ի գործ դնեն տղայոց համար»:

Մեծ են Սրվանձտյանցի ջանքերը նաև Վանի դպրոցաշինության բնագավառում: 1871 թ. վերջերին նա նշանակվում է Վանի Սահմանադրության գոր-

⁶ ԳԱՔ, Սրվանձտյանցի ֆ., ր. II, գ. 45:

⁷ Նույն տեղում, գ. 65:

ծաղրիչ և մեծ աշխատանք է կատարում Վասպուրականում նորանոր դպրոցներ բացելու, եղածները ուսուցիչներով ապահովելու ասպարեզում: Առանձնապես նշանակալի է նրա կատարած աշխատանքը Վանի իգական վարժարանը բացելու ուղղությամբ: Մինչև 1870-ական թթ. Վանը չունեւ իգական վարժարան: 1870 թ. Սրվանձտյանցի նախաձեռնությամբ Պոլսում վանեցի գաղթականներից կազմվում է Սանդիստյան ընկերությունը, որի միջոցներով էլ Վանում բացվում է Սանդիստյան վարժարանը⁸: Մինչև իր կյանքի վերջը Սրվանձտյանցը մեծ խնամք ու հոգածություն է տածում դպրոցի նկատմամբ: Առանձնապես ծանր էր դպրոցի վիճակը 1877—1878 թթ. ռուս-թուրքական պատերազմից հետո: Պատերազմի, հրի ու սովի ճարակ դարձած Վանը ասորում էր ճգնաժամային օրեր: Սրվանձտյանցը, որ պատրիարք Ն. Վարժապետյանի կոնդակով շրջում էր Արևմտյան Հայաստանի հայաշատ կենտրոնները, միշտ էլ ժամանակ է գտնում վարժարանի պետքերը հոգալու համար: Վանի այդ օրերի պատրիարքական տեղապահ Երեմիա Տեկանցի վկայությամբ Սրվանձտյանցը նյութական միջոցներ հայթայթեց դպրոցի համար, փոխեց դպրոցի հոգաբարձուների և ուսուցչական կազմերը և դպրոցի աշխատանքներն ընկան հունի մեջ⁹:

Հայաստանում կրթություն և լուսավորություն տարածելու նպատակով Պոլսում կազմակերպվել էին Արարատյան, Դպրոցասիրաց-Արևելյան և Խիզանի ուսումնասիրաց ընկերությունները: Նույնար-Շահնաղարյան վարժարանի նախկին շրջանավարտների և 'Բ. Սրվանձտյանցի նախաձեռնությամբ 1878 թ. փետրվարի 18-ի ժողովում ստեղծվում է նաև Կիլիկյան ընկերությունը¹⁰: Վերը հիշած փաստերի թվարկումը բավական է ցույց տալու Սրվանձտյանցի եռանդուն գործունեությունը լուսավորության բնագավառում: Սակայն պատկերը թերի կլիներ, եթե չներկայացվեր այն ամենը, ինչ նա արել է 1877—1878 թթ. իր ուղևորությունների ընթացքում:

Ռուս-թուրքական պատերազմի ավարտից անմիջապես հետո Սրվանձտյանցը ոտքով շրջում է համարյա ողջ Արևմտյան Հայաստանը՝ հայ բնակչության ճշգրիտ թիվը պատրիարքարանին հանձնելու առաքելությամբ: Դրա հետ մեկտեղ նա կատարում է ուրիշ բազմաթիվ ազգագուտ գործեր: Նա տեղագրում է Հայաստանի վանքերը և, խորապես դիտակցելով այդ վանքերում եղած ձեռագրերի մեծ նշանակությունը հայ ժողովրդի պատմության համար, Սրվանձտյանցը մեկ առ մեկ ցուցակագրում է դրանք, արտագրում դրանցից կարևոր հատվածներ և լույս ընծայում «Թորոս աղբար» երկհատոր աշխատության մեջ: Միաժամանակ հայաշատ վայրերում նա այցելում է հայկական դպրոցները, օգնում ուսուցիչներին, հաճախ վերաբացում ինչ-ինչ պատճառներով փակված վարժարանները, խրախուսում ունակ ուսուցիչներին, դատապարտում անճարներին: Այդ բոլոր դիտողությունները նա թղթին է հանձնում «Թորոս աղբար» աշխատության մեջ և պատրիարքարանին ուղղած իր տեղեկագիր-նամակներում: Չնայած դրանք արվել են որոշակի առիթներով, սակայն ունեն այնպիսի ընդհանրացումներ, որոնցով կարելի է որոշել Սրվանձտյանց-լուսավորչի հայացքները: Դպրոցը, ըստ Սրվանձտյանցի, «ազգային հույսն»

8 Հ. Երամյան, Հուշարձան, հատ. Ա., Ալեքսանդրիա, 1929, էջ 79:

9 Մաշտոցի անվ. Մատենադարան, ձեռ. № 4182, էջ 221—222:

10 Ա. Ալպոյաճյան, Մինաս Չերազ, Կահիրե, 1927, էջ 83—84:

է, որը, սակայն, գտնվում է անհույս վիճակում: Այնտեղ տիրում է ուսման տեր-թողիկյան դաժան մեթոդը, համարյա բոլոր զուրոցներում իշխում են ծեծը, ֆալախան, «գալարուն վարոցը», զուրոցները գտնվում են անկանոն շենքերում, «սպականյալ օղերու մեջ», խոնավ հողի վրա, առանց պատուհանի և բնական լույսի: Չկան գրասեղաններ ու նստարաններ, դասավանդումը կատարվում էր առանց ծրագրի, բացակայում է միասնական ընթերցարանը, իսկ վարժապետները՝ «անգիտ իրենց պաշտոնին և անկիրթ»։ Ահա Ամասիա քաղաքի իգական վարժարանը. «Վարժապետը մի այլանդակ դեմքով, խառնած մազերով, բորիկ, պատժափայտն ի ձեռին, սպիտակ մազերով մեկը կերևար: Փահանջ է ըսին և աղջկանց վարժապետ, որ ոչ քահանա և ոչ մարդ կնմաներ»¹¹: Տղետ և գինով քահանան իր առտնին ապրուստը հայթայթելու համար դառնում է վարժապետ: Սրվանձտյանցը դատապարտում է հայ ծնողներին, որոնք իրենց «ցավոք ծնած և տառապանոք մեծացած որդիքը» վստահում են նման դաստիարակների: Այդ նույն դրություներն է տիրում Սևաստում, Մելիտինեում: Արեմտյան Հայաստանի այդ համատարած խավարի թագավորության մեջ Սրվանձտյանցը տեսնում է տեղ-տեղ փայլող փոքրիկ աստղեր՝ Սևաստի «Թարգմանչաց ուսումնարանը», Թորաթի «Վարդանանց» վարժարանը, իրենց շնորհալի ուսուցիչներով՝ Թադևոս պատվելի Կյուրեղյան, Հակոբ Մևսիայան, Մկրտիչ Փորթուղալյան:

Անմոռանալի են Սրվանձտյանցի՝ խարբերդի Ս. Նշանի վարժարանի, Բալուի, Մարգվանի, Արաբկիրի զուրոցների նկարագրությունները, այնպես, ինչպես Պոռչյանի Աշտարակի զուրոցի և Բաֆֆու՝ Տեր-Թողիկի զուրոցի նկարագրությունները: Հայ վարժապետի կերպարն էր կենդանանում հայրենասեր գործչի զրչի տակ. «Ոտքը բորիկ, փայտ ի ձեռին, ֆալախանը մեջտեղ...»¹²:

Սրվանձտյանցը ուշադրությունն առանձնապես սեկռում է «աղջկաց» վարժարանների վրա: Այսօրվա աղջիկը վաղվա մայրն է: Մեծ է կնոջ դերը ընտանիքում, նա է երեխաների հիմնական դաստիարակը: Ընտանիքի տղամարդը մեծ մասամբ հեռու է երեխաներից: Փաստորեն հայ ժողովրդի ողջ տալգան, ազգության հույսը՝ մանուկ սերունդը, անխղիճորեն կապված է հայ կնոջ հետ: Այդ պատճառով էլ ամենից առաջ սյուտը է լուսավորել նրան: Հայ ժողովրդի գոյատևման ողջ ընթացքում հայ կինը տղամարդու հետ հավասար պայքարել է ժողովրդի ազատության համար: Միշտ սյուտը է վառ պահել V դարի հերոսական կանանց հիշատակը: Սրվանձտյանցը բարոյում է հայ մայրերին՝ նմանվել Մամիկոնյան Վահանի մորը՝ Զվիկին, որի շնորհիվ որդին դարձավ հայրենիքի վահան և ասպար: Հայրենիքի սիրով վառված վարժապետը հայ կանանց հիշեցնում է Գրակրոսյան մայրերին, որոնք դավակների կրթության և զուրոցներ կառուցելու համար նվիրաբերում էին իրենց զարդերը:

Հայրենասեր վարդապետը դիտողություններ է անում ընդհանրապես զուրոցները բարվոքելու, ուսուցման նոր ծրագրեր մտցնելու համար: Այդ դիտողությունները վերաբերում են ոչ միայն գավառի, այլ նաև Պոլսի զուրոցներին: Ճերկա վարժարանները բարեկարգելու մեծ սյուտը ունին, որոնցմով օգտակար աշակերտներ կրնան ընծայել ազդին, մասնավորապես աղջկանց դաս-

11 Գ. Սրվանձտյանց, Թորոս աղբար, հատ. I, Կ. Պոլիս, 1879, էջ 52—53:

12 Նույն տեղում, էջ 20—21:

ստիարակություն վրա ուշ դարձնելով, հոգ պետք է տանիլ ընտիր ուսուցիչներ և չավագույն մեթոդներ հաստատել, որոնց պակասությունը է միայն, որ մեր վարժարանները անպտուղ կմնան թե՛ դավաններ, և թե՛ Պոլիս»¹³, ինքը՝ Սրբ-վանձությանցը եղել է ժամանակի հայտնի ուսուցիչներից մեկը։ Պոլսի ազգային վարժարանները հաճախ էին հրավեր ուղարկում նրան՝ ուսուցչության համար։ Արիստարկյանի արտահայտությունը՝ «փնտրված» ուսուցիչ էր նա։ Սակայն Սրվանձությանցը միշտ հրաժարվում էր համեմատաբար հեշտ և հանդիստ պոսական կյանքից։ Նրան ձգում էին հայ դավանները, բուն արևմտահայությունը։ Նրա ուսուցչական կարողությունների մասին են վկայում Խ. Մալումյանը¹⁴ և Հրաչյա Աճառյանը¹⁵։

Սրվանձությանցը չէր բավարարվում սոսկ դիտողություններով։ Արտահայտելով իր կարծիքը զպրոցական դասադրերի մասին, Սրվանձությանցը 1866 թ. ձեռնամուխ է լինում դասադրքի հրատարակության։ Լույս է տեսնում երկու մասից բաղկացած նրա «Նոր ընթերցարանը», որը «շատ տեղերն լավ ընդունելություն գտավ և շնորհակալության զրհր ալ ստացա ուսուցիչներեն»։ Ընթերցարանի լավ ընդունելության մասին է վկայում այն փաստը, որ այն ունենում է երկը հրատարակություն և բոլորն էլ արագորեն սպառվում են։ Արևմտյան Հայաստանի մանկավարժների կողմից այդ ընթերցարանը մեծ գնահատության է արժանանում։ Այդ պատճառով էլ 1870 թ. հրիմյանը նոր պատվերներ է տալիս իր «արժանընտիր» աշակերտին. «Քանի մը դասադիրք պատրաստել պետք է և այն կուլեմ ձեր ձեռքով լինի և ձեր գրչով»¹⁶։

Խրիմյանի և Սրվանձությանցի նամակագրությունից իմանում ենք, որ վերջինս դրավել է նաև «Հայոց պատմության» դասագիրք շարադրելով։ Հայ ժողովրդի պատմություն գրելը, մանուկ սերնդին մեր ժողովրդի բազմադարյան զոյապայքարին ծանոթացնելը եղել է ժամանակի հրամայական «պահանջը»։ Դրա համար էլ Խրիմյանը Սրվանձությանցից պահանջում էր մանրամասն հաշվետվություն տալ իրեն պատմության դասագրքի շարադրանքի և լիճակի մասին։ Ըստ երևույթին լուսավորիչ վարդապետը ի վիճակի չեղավ վերջացնելու և տպագրության հանձնելու դասագիրքը, որովհետև այլևս այդ մասին փաստաթղթերում տեղեկություն չենք գտնում։ Ժամանակի և հանգամանքների բերումով Սրվանձությանցն իր ունակություններն ու կարողությունները գործադրեց այլ ուղղությամբ և միայն ազատ ժամանակը տրամադրեց դասադրերին ու գրականությանը։

Գրականությանը Սրվանձությանցը մոտեցել է պատասխանատվության մեծ զգացումով, քաջ դիտակցելով ժամանակաշրջանի պահանջներն ու առաջադրած խնդիրները։ Ըստ նրա գրականությունը պետք է ճառագայթի նման լուսավորի մարդկանց մտքերը, մեծ դեր կատարի հայապահպանության համար մղվող պայքարում։

Գրական գործը, «Մասյաց սրինդներ հնչեցնելը» Սրվանձությանցի համար ունեցել են որոշակի քաղաքական նպատակապայքարներ. նա կոչ է անում արթնլ «Մասյաց սրինդներին» վրայից հնության փռչին և հնչեցնել արդիական մեղեդիներ, որպեսզի ժողովուրդը ծանոթանա իր անցյալին իմանա, թե որտե-

¹³ Նույն տեղում, էջ 280։

¹⁴ «Մշակ», 1892, № 145—146 («Գ. Սրվանձությանը էրզրումում»)։

¹⁵ 2. Աճառյան, Կյանքիս հուշերից, Երևան, 1967, էջ 100։

¹⁶ ԳԱԹ, Սրվանձությանցի ֆ., ր. 11, գ. 436։

դից է եկել և ուր է գնում, ներշնչվի մեր նահապետ Հայկի օրինակով՝ պայքարելու բոլոր ժամանակների բելերի դեմ՝ հանուն ազատության։ Սրվանձտյանցի գրական երախայրիք «Անկումն Արշակունյաց հարստության» և «Շուշան Շավարշանա» պիեսները՝ փոխադրելով իր ժամանակակիցներին մեր ժողովրդի պատմության համար բախտորոշ նշանակություն ունեցող անցյալը, IV և V դարերի օրինակով ոգևորում են հայերին պայքարի նետվել հաղթելու լճոականությամբ։ Պեշիկթաշլյանի, Դուրյանի պատմական պիեսների հետ Սրվանձտյանցի վերոհիշյալ գրվածքները ևս մեծ ազդեցություն են գործել և հաջողությամբ բեմադրվել Վարագում, Տարոնում։ Ժողովուրդը ի դեմս պարսից և բյուզանդացի նվաճողների տեսնում էր թուրք բռնակալներին, լցվում անսահման ատելությամբ նրանց նկատմամբ։ Գարեգին վարդապետը բարոգում էր ժողովրդին. «Հրաշալի է արդարև մեռնելով հաղթել, իյնալով քաջալերել, մահու անմահանալ, ղոհվելով փրկվել»։ Ժամանակաշրջանն առաջադրում էր իր հրամայական պահանջները։ Որպես ազգ կազմավորված և ազգային զարթոնք ապրող ժողովուրդների մտավորականները պեղում էին իրենց ազգերի հոգևոր գանձարանը, աշխարհին ապացուցելով իրենց ինքնությունը։ «Ազգային ինքնորոշման նշանաբանի տակ հայ ժողովուրդը ի տես աշխարհի էր հանում իր բազմադարյան հոգևոր ու մտավոր հարստությունները, իր ներկան ու անցյալը, իր ինքնությունը»¹⁷։ Գավառը, հայ գյուղացին իր տառապանքներով, հույզերով ու մտորումներով դառնում են գրականության նյութ։ Սրվանձտյանցով հիմք է դրվում գավառահայ գրականությանը։ Մեկ տասնամյակում (1874—1884 թթ.) իրար ետևից լույս են տեսնում նրա ժողովածուները՝ «Գրոց-բրոց և Սասունցի Դավիթ կամ Մհերի դուռ», «Հնոց-նորոց», «Մանանա», «Համուլ-հոտուլ»։

Հնարավորություն ունենալով ապրելու Պոլսի հանգստավետ կյանքով, «Մարմարայի և Բոսֆորի գեղազվարճ ափերին», նա առանց վարանելու երկու անգամ ոտքով շրջեց Արևմտյան Հայաստանի 6 հայաբնակ նահանգները։ Այդ ճանապարհորդությունները, որ կատարվեցին ռուս-թուրքական պատերազմի ավարտից անմիջապես հետո, երբ օդը հադեցած էր անցած և գալիք մրրիկների շնչով, կարող էր եղբրական վախճան ունենալ հայրենասեր գործչի համար։ Այդ ճանապարհորդությունների միջոցով իրագործվեց մեր պատմական հայրենիքի ստույգ վիճակագրությունը, ուսումնասիրվեցին ժողովրդի ոչ միայն ներկան, այլև անգիր հարստությունները, ձեռագիր ժառանգությունը։ Թղթի վրա դրոշմվեցին Արևմտյան Հայաստանի ժողովրդի նիստն ու կացը, ղբաղմունքը, գյուղատնտեսության և արդյունագործության վիճակը, առևտուրը, քաղաքները, գյուղերը, շեներն ու ավերակները։ Հիմք դրվեց հայ ազգագրությանը։

«Գրոց-բրոցի» առաջաբանում Սրվանձտյանցը բացահայտում է հասարակական այն դրդապատճառները, որոնք թելադրել են հեղինակին այդ գործի կատարումը։ Նկարագրելով հայ ժողովրդի անցած ծանր ուղին, հայրենանվեր գործիչը միաժամանակ ցույց է տալիս մեր ժողովրդի կենսունակությունը։ Ըստ Սրվանձտյանցի այդ կենսունակության գաղտնիքի մեծ բաժինը կապված է հայրենի լեռնաշխարհի, հարազատ հողի, հայրենական տան հետ։ Ժողովածուի II մասում զետեղված է մեր ժողովրդի ազգային մեծ վեպի առա-

17 Ա. Ղանալանյան, Հայ բանահյուսության մեծ երախտավորը, «Պատմա-բանասիրական հանդես», 1966, № 1, էջ 18։

ջին ուստումը՝ «Սասունցի Գավիթ կամ Մհերի դուռ» խորագրով: Նրա լույս ընծայումը բացառիկ մեծ նշանակություն ունեցավ հայ ժողովրդի հոգևոր մշակույթի ասպարեզում:

Ոգևորված «Գրոց-բրոցի» տնեցած ջերմ ընդունելությունից և վայելելով իր ժամանակի հայկական լուսավորական կենտրոնների բարոյական և նյութական աջակցությունը, նույն 1874 թ. Սրվանձտյանցը հրատարակում է «Հնոց-նորոց» ժողովածուն, որը հիմնականում կազմված է գրավոր աղբյուրներից: Ըստ արժանվույն գնահատելով Հայաստանի համարյա բոլոր վանքերում ցրված ձեռագիր մատյանների նշանակությունը հայ ժողովրդի պատմության տարբեր ժամանակահատվածների լուսաբանման գործում, Սրվանձտյանցը դատապարտման խոսք է ուղղում այն վանականներին, որոնք մեր հոգևոր այդ հարստությունները երբեմն տղիտուխամբ թաղում են հողում, հրբեմն էլ նենգությամբ վաճառում օտար ուսումնասիրողներին:

Նյութերի առատության, բազմազանության և գիտական մեկնաբանման տեսակետից ուշագրավ է 1876 թ. հրատարակված «Մանանա» ժողովածուն:

Սրվանձտյանցի IV ժողովածուն՝ «Համով-հոտովը», լույս տեսավ 1884 թ.: Բուռն էր նրա ընդունելությունը. Վանը, Վասպուրականի բոլոր գավառները՝ Աղբակը, Մոկսը, Հայոց ձորը, Ոստանը, Գավաշը, Պուլանբիններն ու Մանաղկերտը մատուցվում են ականատեսի վկայությամբ. գեղեցիկ է Հայաստանի բնությունը, սուրբ են նրա հողն ու ջուրը, սակայն զուրկ է այդ հողի վրա ապրող ու տառապող գյուղացիին:

Սրվանձտյանցի ազգագրական-բանահյուսական ստեղծագործությունների չարքում իր ուրույն տեղն է գրավում «Թորոս աղբար» երկհատորանոց գործը, որի մեջ ամփոփված են 1878—1879 թթ. Հայաստանի կարևոր նահանգները շրջագայելիս ստացած տպավորությունները: Բազմաթիվ հարցեր է շոշափում Սրվանձտյանցը իր այդ գործի մեջ՝ արդյունաբերության և գյուղատնտեսության զարգացման, արևմտահայ դպրոցի, ուսումնական նոր ծրագրերի, մանկավարժ-ուսուցիչների, հոգևորականության տգիտության: Մեծ էր Սրվանձտյանցի հետաքրքրությունների ոլորտը, ոչ մի մանրուք չի վրիպել նրա աչքից: «Թորոս աղբարի» I հատորը հրատարակվել է 1879 թ., II-ը՝ 1884 թ.: Տարիների տարբերությունը իր ազդեցությունն է թողել Սրվանձտյանցի եզրակացությունների վրա: I հատորում հայ ժողովրդի, հայ գյուղացու տառապանքները, նրա «ուրվական» վիճակը նկարագրող հայրենասեր գործիչը սրտի անհուն ցավով և զայրույթով բացականչում էր. «Եթե այսպես ապրին, լավ է, որ չապրին»: Նրա բմբոստ ոգին ընդվզում էր համակերպության և համբերողության գաղափարի դեմ և գովերգում էր «գիտակցված մահը, որ անմահություն է»: II հատորում նրա արտահայտություններն ստանում են ավելի զգուշավոր երանգ: Մի կողմից սթափ գիտակցումն այն բանի, որ Բեռլինի կոնգրեսից հետո զգալիորեն վատթարացավ հայ ժողովրդի առանց այդ էլ անտանելի վիճակը, հոյակապ նկարագրություն «կոմիսերներին», «թող» փչելու քաղաքականության, մյուս կողմից՝ ուստրանք, թե «բարեխնամ կայսեր կառավարության նպատակն է գոհ ընել յուր երկիրն ու ժողովուրդը»: Մի կողմից գավառահայ ժողովրդին խուլական բանակի հասցրած շարիքների նկարագրություն, ուժգին ցանկություն՝ ստեղծել Արևմտյան Հայաստանում ապրող հայ, ասորի, քիլիզնի և քուրդ ժողովուրդների միություն ընդդեմ բռնակալության, բուռն կոչ՝ հավատալ սեփական ուժերին, «օտարեն բան չհուսալ բնավ»,

մյուս կողմից՝ պատրանք, որ հարստահարությունները կատարվում են ոչ թե կառավարության հրահանգով, այլ վատթար պաշտոնյաների միջոցով: Հայացքների այս հակասությունը արտացոլումն է այն ժամանակաշրջանի, որում ապրում էր հեղինակը: Սակայն բոլոր դեպքերում էլ զգուշության քարոզները չէին նշանակում, թե Սրվանձտյանցը երես է դարձնում աղգային-աղատագրական շարժումներից: Օրըստօրե ուժեղացող սուլթանական ռեակցիայի պայմաններում նրա զգուշավորության մեջ արտահայտվում էր մտահոգությունը իր ժողովրդի ճակատագրի համար: Բայց դրանք չեն խանգարում նրան օր ու գիշեր գործել և օսմանյան կառավարության անվստահությունը վաստակել: Կյանքի վերջին տարիներին նա դատապարտվեց Կ. Պոլսի քարոզչի պաշտոնին, ընդմիջտ հեռացվելով իր սիրելի գավառներից և դավառահայ ժողովրդից:

Սրվանձտյանցի կատարած լուսավորական աշխատանքները մեծ գնահատականի են արժանացել և՛ իր ժամանակի, և՛ հետագա սերունդների աչքի: Ընկնող մտավորականության կողմից: Պատահական չէ, որ Թումանյանը Աբովյանի և Սրվանձտյանցի անունները դնում է կողք-կողքի¹⁸:

Համառոտ ակնարկ գցելով Սրվանձտյանցի լուսավորական գործունեության վրա, դալիս ենք այն եղրակացության, որ հայրենասեր գործչի ողջ կյանքը եղավ ժողովրդին ծառայելու մի վսեմ օրինակ: Սրվանձտյանցը աշխատեց լուսավորություն տարածել ժողովրդի ամենաստվար դասի՝ դյուղացիության մեջ: Ժողովրդին լուսավորելու ուժգին տենչով, ժամանակի հրամայական պահանջով նա դարձավ ուսուցիչ, խմբագիր, բանահավաք, բանագետ, Արևմտյան Հայաստանի բազմաթիվ հայաշատ կենտրոնների առաջնորդ, նվիրակ, քարոզիչ, այցելու: Նա եղավ մեծ լուսավորիչ Խ. Աբովյանի գործի մեծատաղանդ շարունակողը Արևմտյան Հայաստանում, անհամեմատ դժնի ու սարսափելի պայմաններում, երբ վտանգված էր ժողովրդի ֆիզիկական գոյությունն անգամ: Պետականությունից զուրկ մեր ժողովրդի համար լուսավորությունը հղոր հոգևոր զենք էր հայապահպանության համար մղվող պայքարում, մի աստիճան դեպի աղգային-աղատագրական շարժումները:

18 Հ. Թումանյան, Երկերի ժողովածու, հատ. 4, Երևան, 1951, էջ 377—378: